

工部廠庫須知

引

本部之有茲刻原係

科臣題

請將渡進呈

以

具之禱皇天

敢以載籍之披  
歟而科臣更奉外  
於趨

命不及議上而行時而既以  
奏題成書為本部不刊  
之典倘遂廢閣是不佞

入  
皆不度而并焉

國計於草莽也私念使

上聞而不如先使下行

上聞而下不必行是欺之屬義

所不敢出也下行而

上不... 猶患... 屬不佞不敢  
不免... 因命粹人設正  
而領... 各司序為掌故使  
行有次第他日懸進以備  
乙夜... 觀竊比於先王後從  
義諸大夫皆曰然遂

行

萬曆四十三年季夏日署  
部事閩人林如楚識

工部厰庫須知敘

宋臣蘇軾之言曰廣取以給  
用不若節用以廉取今天下  
未嘗無財也又未嘗不言理  
財也第理其所以取之者而  
不深計其所以用之者于是

入之孔百渙獵而不厭出之  
孔一漏卮而無當舉

國家全盛之物力究且岌岌焉  
而不能終歲此之不可不知  
也水衡之政倣古冬官計其  
歲入莖莖當司農度支之十



三而其出也則

宮府諸需自吉凶軍賓嘉之大  
以至器使木植瓦墼餽饒之  
綑無一不于是焉給乃費頡  
于司空觴濫于中官中官之  
黠者日夜與狙貍奸賈猾胥

史相構而爲市是黠猾奸狙  
者又日夜伺司空之屬以嘗  
焉而夤緣以爲利所藉以爬  
搔而洗濯之時震其靡穢刷  
其叢垢引繩批根于出入之  
孔者有掖垣柱下巡視之役

在是掖垣柱下與司空之屬  
三人者無論其岐而爲黠猾  
奸狙所乘卽合而精爲權術  
一歲數更事數月一改其前  
之牘漶漫而後之符凌亂業  
覈而縮之矣縮復侈焉業銳

而湔之矣湔復洿焉始事而  
成之也成且爲虧莫見功焉  
後事而守之也守且代創莫  
追辜焉當此而策厥與虛寧  
有據乎臣士晉昔從戊申受  
命及三月報竣畧窺一二

條爲二疏當事者業稍稍見  
之施行顧于端委猶望洋其  
未有底也頃歲閏乙卯再承  
茲匱日取

會典條例諸書質以今昔異同  
沿革之數而因之釐故核新

搜蠹檢羨乃始惻然有概于  
出入之際也遂謀之水衡諸  
臣彙輯校訂按籍而採其額  
按額而徵其儲按儲而定其  
則按則而覈其浮衡知之若  
外解若事例若題辦若傳奉

若年例若會有若會無若召  
買若本若折若造若修無不  
得焉縱知之若掛銷若預支  
若截給若循環若對同若實  
收若交盤若會查若找若扣  
若比若帶無不得焉卷凡一

十有二四司十九差次第布  
之而未各附以諸臣之條議  
有是則不難于侈縮湔滂之  
故有是則不難于成虧創守  
之數以曉暘于出入之孔胥  
爲嘗而杜口矣賈爲嘗而戢



志矣駘爲嘗而怵法矣中官  
爲嘗而束于掌故矣明心白  
意于漏卮之爲出也者而後  
可以懲濫坊潰于澳獵之爲  
入也者節而用之用不虞詘  
廉而取之取不虞竭今而後

乃知所以視廠庫者須此矣  
推此類具言之由水衡而度  
支其于推蕩廓如其于葆嗇  
益如而財之足也何日之有  
焉雖然臣竊有進此者語云  
聖人大寶曰位天子不私求

財自

大工

大禮比歲煩興而採山權承十  
輩之使綦布縣寓籠天下之  
物力而歸

京師內藏之所朽蠹不能當

飽貂寺而肥釜鑪者之半于  
是海內之財日益竭而正供  
日益困乃工斲成而故緩之  
以益蠹禮斲成而故踰之以  
益耗而

皇上之有此財以有用者不一

用而積之無用臣乃有味乎  
李絳所稱自左藏以輸內藏  
猶東庫以移西庫之說也獨  
不臧于瓊林大盈積而散之  
之日乎其積也不可圉而其  
散也乃有不可言者矣

聖天子誠一日憬然散所積以  
佐司農將作之不及訖工竣  
禮無緩期無踰節令水衡度  
支一切事例外解不甚雅馴  
爲萬曆初年會計所不載者  
及採權十輩之使一切報罷

嘉與海內元元生養休息以  
英鴻流燦則後此而巡視所  
須有如此籍者臣士晉請舉  
一日之力且芟煩蕩苛盡捐  
一切無藝偕之大道斯臣之  
願也亦水衡諸臣之同願也

萬曆乙卯六月

工科給事中臣何士晉謹叙



工部廠庫須知目錄

卷之一

巡視題疏

本部覆疏

卷之二

廠庫議約

節慎庫條議

附

卷之三

營繕司

卷之四

三山大石窩

都重城

修倉廠

清匠司

繕工司

見工灰石作

以上皆繕司分

卷之五

琉璃黑窰廠

神木廠山西大木廠臺基廠

以上皆繕司分差

卷之六

虞衡司

卷之七

寶源局

街道廳

驗試廳

以上皆虞衡司分差

卷之八

盛甲王恭廠

虞衡司分差

卷之九

都水司

卷之十

通惠河

六科廊

以上皆都水分差

凡例

一載職名 刊書之議原係科臣條陳因爲纂輯而在工言工非部臣莫與共事故除各司各差自爲攷載條議以列姓名外四司又各以一臣全編并得列名於首凡各差則具本司臣名參閱而各司無與於差臣以司官統理差事差官無與司事也亦有書屬垂成而官係新到者卽未有差委咸得列名以見一時與聞

一載職掌 各司各差咸有專職但考會典  
條例多不相符卽各差名目有不知所自  
始者今皆據見行事宜臚列具備庶新涖  
任者不必借耳目於胥吏爲奸竊所乘滋  
爲弊竇矣

一載年例 各項造辦有一年二年三四等  
年有不等年開行題辦者悉照條例并近  
時釐正者開載不得混淆但此等除歲供  
外多係昔時偶造而監局視爲歲額因仍

奏請部臣執爭不得寧定年限者

聖明在上自能惜不經節冗費卽歲額不無一二可減餘可停造壓造者甚多後來諸臣不妨每事量用執請無使營竊者妨

國家節儉之途可也年例俱用○如非年例與各差之無年例而僅載事宜規則者亦用○以便覽省

一載規則 有行事規則有制器規則有價值規則各因差上所有以立名雖用法因

人難拘定式但執柯伐柯爲則不遠若向  
來用度多寬近來漸窄或

國家之用與庶民不同工作之費與侵漁不等  
寧使少存餘地令下情樂從亦盛世之事  
第不使并竊名目濫耗不貲額中之費猶  
爲可筭者也

一載會有 各廠庫會有物料都非實有尚  
存名數以見舊額相應每歲查一實在數  
目分置各司各差以便隨時料辦決者僞

者皆責與守賠補度不致有名無實紀錄  
成虛

一載外解 量入爲出用如有經第

國家有不可測之出如不時題辦者冊籍之所  
能載存爲故牒亦有不可常之入如歲時  
蠲欠者冊籍之所不能載難爲定額典計  
者固當以此較量贏縮尤當於此預備常  
變上下共存節省可也

一載議論 各項之有裁酌者用前件以具



權宜若議論有不可以各項贅者則條議  
於後所載條議俱用本司本差自著少有  
增減蓋經手之事規畫自真不敢以苟外  
之見妄參一語但議論隨時斟酌缺畧不  
妨續補過時不妨更訂故刊載別業示不  
敢以一時籌畫擅千古不刊以俟後賢卽  
巡視條陳後有佳者不妨增入總歸無我  
共襄

尤可大可久之業也

工部廠庫須知卷之

工科給事中臣何士晉纂輯

廣東道監察御史臣李嵩訂正

屯田清吏司主事臣李純元攷載

營繕清吏司主事臣陳應元

虞衡清吏司主事臣樓一堂

都水清吏司主事臣黃景章

屯田清吏司主事臣華顏全編

節慎庫

四司輪差主事一年專管庫藏一應解納支  
發錢糧皆以四司印信關會及堂上批准字  
樣爲憑更有巡視科院面同查覈本庫胆敢  
鎖鑰謹出納而已其應收應發款目皆在四  
司項下茲不復具具一二條議而見行事宜  
規則皆可睹已

一謹收放 庫中收入錢糧如各省直料價  
稅銀及員役援納事例俱有批文及庫帖  
可查不致朦朧惟支放各項頭緒繁亂恐

難清稽近依新例各監督掛號訖始于四  
司印給領狀又呈堂註閱訖字樣總單到  
庫方准支給定無有影射而闌出者但奸  
商詭計百出吏書窟穴甚深臨時須磨勘  
應給與否應給者亦須斟酌于緩急多寡  
間恐出庫以後奸商償債糜費緣手立盡  
爾時悔其濫與晚矣至呈久錢糧卽有証  
據定屬可疑度閭不發不得以留難議也

一察銀色

外解大錠鑿有州縣官匠字樣

者無可疑間有無字者須再三諦視若絲  
麤色黯及銳底而厚腹者其中叵側卽槌  
鑿試之事例銀舊日低假特甚近依新例  
俱傾銳鑿字奸無所用但須常守此法不  
得因人言溺惑廢法徇情復茲前弊舊日  
大錠有貫錠者近日例銀有貫鉛及黃土  
者發商之後紛紛告稟主者無以置對不  
可不慎

一平秤兌 舊日兌入增數兩兌出則減之

止約每年

奏繳及衙門公費約數千金皆取足餘銀不得  
不有所輕重官吏司秤兌者因而高下其手弊竇百端近

奏革餘銀于九一搭錢內每錢節省三文充  
公費用出入之間正大光明公平允准分  
毫無差一切清議可息怨讟可消至當不  
易之法也

一革找欠 事例上納當日兌銷不致掛欠

外解錢糧有去銖去邊致一秤少十數兩者或少數兩者許另日補找前匣已經封鎖另設一補欠匣貯之給發時遇有短少逐一尋查補找甚爲煩碎至年終交盤逐一匣尋補充擔延可厭定應責其足數有不足者卽令補完方准收入直截之法也

一杜纔越 解納關領人等欲速念重鑽託分上希圖攙越先後失倫安在畫一之守今議應收應領俱以掛號前後爲序挨順

年月不許紊亂本庫按籍收放作速完局  
如響應聲無所留難自無所容其請託矣

一議事例 援納事例世方借此以邀名器

柰何請託紛紛求減色數况此時入數既  
少異日出數安能取盈筦庫者將何處補  
舊日猶有望于餘銀今餘銀既革正額豈  
得欠少分毫今後事例中有不足色數者  
定不准收卽有士夫東牘可以錢糧正額  
爲辭原非之額外但使秤允公平禁除一



切庫中雜費亦未始無法中之情也

一肅吏胥 該吏之鑽當庫役者原圖包攬

事例通同竊取次則于秤兌時作意低昂  
爲欺騙需索計耳今事例領錠鑒字無所  
施其包攬出匣入匣時短衫鼻褲衣袖高  
捲一人受事餘人不得混攪遮映主者注  
目察之卽善竊者無藏匿處看兌天平俱  
憑掣籤或一宗更換數人或一人兌完數  
宗機權不測絛錠在我又令將天平活轉

敲鑊相對解領員役當面看驗或可無弊  
矣

一戒昏暮 每四九下庫或入庫稍遲收放  
不完以火絕之夫公庭白晝防範稍疎猶  
懼有見金不見人者秉燭光明幾何乘昏  
暗而竊之固所時有且出此納彼寧無錯  
亂遺失之虞今白之巡視入庫宜卜其蚤  
日出視事日晡可以卒業定不繼燭以滋

奸弊

一酌那借 四司錯糧偶值缺乏輒相那借

以緩急雖屬同舟之誼然彼此不相關白

祇移會庫中那移銷筭遂嘖有煩言令出

納者相顧無色夫錢糧雖同貯一庫原有

分屬那借不已贏者易訕非常法也又奸

商明知缺乏急于果腹朦朧出領一經掛

號卽通同庫中吏書指稱舊例揚揚攫取

而去寧計其非本司物哉今後偶有缺乏

非有軍國重大事務不妨停閣以待本司

外解之至卽欲那借各司關白停妥移會  
到庫然後給發

一辦奸商 舖商關領錢糧隨到隨給外解  
原係足色例銀近鮮低假似可無言矣聞  
有奸商希圖拖欠求免督責于監督前詭  
稱庫銀俱係鉛銅領銀又多使費監督多  
其苦而寬之誰爲主藏不自爲政使窮商  
至此極耶夫巡視揭有明示銀低假者卽  
刻面稟更換非有威稜厲禁何不執稟而

退有後言總單到庫卽日支發各商自敲  
天平對鍼而止更何求于庫中各役而輕  
財妄施恐各商不若是之愚也棍徒無賴  
一切浮言今後果有低假輕少等情則責  
在本庫若無故妄肆誹謗將無作有定須  
重懲以炮刁風

一嚴守衛 庫藏百萬之儲原關

國計宜爲慶慶庶民積千金亦必固扃鐃周  
棲疏以備不虞况

天府儲胥可設藏耶近聞視庫中瓦甃牆堵鐵  
門深鎖或可無傳然聞先年有從兵部夾  
道穴地而入者徇盜之窺伺何所不至不  
可謂過計也原設巡邏庫內以該吏一名  
并衛官餘丁守之今該吏祇以家人充當  
各役或半爲烏有外巡風恐亦習爲故事  
枕鈴鐸而卧耳庫官職司庫若漫無干  
係者脫有疎虞誰任其咎此本庫所深慮  
而竊望巡風者之交儆也

管庫屯田清吏司主事臣李純元謹言

工科給事中臣何士晉謹訂

巡視廠庫須知卷之一

工科給

臣何

議

工科右給事中

臣徐紹吉

工科給事中

臣劉文炳

廣東道監察御史

臣李嵩全訂

約則

一議交代

科

院到任官吏先期具儀注至日

遵行所有各項冊籍另造簡明數目一本

任滿

科

查點明白同印鑰冊庫鑰當日面



交

一議其事

舊制進署下庫

利

俱同非徒示

公亦便商確後因事煩分日至萬曆戊申  
本科題明復同進署而下庫則仍分今沿  
爲例

一議關防

每月三八日入署是早聽事人

役繳牌承印例也然印不隨行未免遺慮  
今議于印面重紙封固花押爲識往來承  
役仍給票限時出取庫官之照驗入取本

宅之圓牌以防意外

一議舊牘 凡大翻身黃江諸弊多乘新

空俟將遠年停閣實收領狀朦朧巧售今

議科一更首查舊存簿領應給者遣入循

環准其另掛不應給者卽時塗附移會註

銷仍分別揭示俾諸人共曉則奸謀自阻

一議外解 各省直外解錢糧後到批文制

付應驗其年月有無違限數目有無洗補

印文有無假冒無弊方准掛號有弊則檄

司坊官鞠實酌輕重

題叅

一議事例 管都二司所出庫帖應照新式  
明開某援某例摘錄本例全文以便查對  
其銀須足色傾錠鑒名多者五十兩爲一  
錠少者儘其納數爲一錠司吏于帖內註  
有驗明字樣方准移掛帖到仍着廠庫經  
承據例磨對其隨任乞年查回起送等項  
最易影射并取其保結文詞原籍文書手

本親實投驗有碍則駁回司吏難辭其罪  
一議互查 事例之弊千蹊萬徑非盡援納  
員役自爲之而強半則由包攬夫包攬非  
他人卽衙門積猾慣于舞文巧于竊符串  
結吏禮工三部諸胥犄角而爪分者也故  
有納吏而竊監儒遙授而冒實歷它一年  
而混數年其假庫收假印信玩弄股掌視  
如兒戲必每季工部移文二部將咨收名  
數與節慎庫三處對查前弊斯杜

一議掛銷 外解事例有掛必有銷乃有銷數不與掛數合者弊在該庫應于收銀時取批帖爲驗銷號時取收簿爲驗彼此互照而情窮矣惟是弊有在掛銷之外者如外解于批文內改多作少以少數入庫而復以多數回銷又有不掛不銷銀未入庫而倒批以去在省直則云已解在部司則云未完兩無照會摘發何由此其弊甚神甚大不可言也今議巡視衙門于解批投

掛之月自給一票票式首列由語次則計  
開一行爲某事據某省直或某府州縣差  
某解某年某項錢糧共若干一行限某月  
日納庫下註本解不許違限庫役不許留  
難一行某月日收訖仍限某月日起置于  
本號下註完訖二字一行某月日註完訖  
仍限某月日起赴部領批文回銷一行限某  
月日該省直某衙門官吏查對批票數目  
相同隨具文將原票繳部仍送巡視衙門

查原號註銷如有互異並行查究夫此一  
票也前與後對內與外對司與庫對司庫  
內外前後又無一不與巡視對卽批文可  
假繳票難移省直各衙門仍于歲終備造  
一冊申報已解未解的數于部司部司移  
會巡視以總稽其完欠之實雖有神奸恐  
不能復施其伎倆而掛銷之法始備

一議預支 舖窰灰車夫匠等役向來垂涎  
預支鑽營百出冒濫多端本科特創一領

狀新式復置循環截出實收二簿先將本  
工原佑及以前領過預支辦過物料做過  
工程備載于簿領之前爲舊管今自本科  
接管起如某年月日請預支若干兩掛給  
印鈐填入簿內仍限此銀于某月日到工  
所監督驗收明白卽註某月日收足字樣  
于簿內爲照庶無私領花銷之弊嗣後再  
請預支必工料完及八分以總數填入領  
狀以細數填入循環先送本司筭明鈐註



仍將領簿同日送署查果合數方許第二次新領掛號其前次未完二分仍于下次帶銷推之三次四次以至原估銀完咸照此法並不許于原估外透支其循環二簿一樣填寫循習巡視備查環發本差備照然三日投到者至八日方發留此數日督令廠庫書役細加磨算有差訛卽宜稟駁如通同隱庇查出體究罪仍各註查對姓名于冊內以示責成俟他日工完此簿

竟可作實收何等簡便若曰八分完數恐有虛報指視甚衆誰能掩之

一議年例 監局年例錢糧近因中官

題請太濫取

旨太易揆之條例所載大不相同本科特疏

題明令諸司裁酌畫一之規自後

宮中府中各宜遵守更不容妄有爭執卽奉特旨傳派亦宜比例以自存職掌可也至于各項小脩及公用紙劄各役工食雖有實收

堂簿內亦有可停可緩之工應從寬減之  
數概行裁給亦是倖門除紙劄工食數最  
零星另置一冊通限月終掛給其餘銀  
入四司循環以憑查覈如有不應給者徑  
行停駁毋拘成案

一議考成 原題所謂考成非求多于在事  
也蓋向來預支混發拖欠數多追比徒煩  
分毫莫吐且因交代之不明動見彈章之  
波及爲國傷身兩無不便故議責成當事

與經承吏書凡任內放過錢糧如依新式  
截出實收安得有欠萬一有欠聽其勒限  
追完方許交代不則歲終查叅欠役且得  
並議其經承所以示欠者不得不完正欲  
使發者不得不慎此考成之大指也若遇  
陞遷事故錢糧原無不明備造冊冊五本一  
送接管一送部司一送巡視一送工垣一  
留自照互查無異徑行離任則去後別無  
粘帶他人自難推卸相成之益不更大乎

一議對同 各工對同逞例取委官原報循環磨美比對摘其差訛虛冒諸弊輕則或駁正或裁減重則不免于叅

題第邇來委官多係資進其不通詞捏報者有幾所恃監督得人則對同無大刺謬且欲舍循環而覈細撒非監督日行之底簿無足憑也至于裁減規則有夫去十之二匠去十之一者又有夫去十之一分匠去十之五厘者此其多寡之數似難定擬

俱視監督之料理何如耳若料價運價等項  
會估案在總之無以月虧公無以訓勵下  
對同之法蓋矣

一議行移 四司及各差文移往來舊止用  
一名帖而稽遲沉匿竊換之弊何從察之  
近與四司監督約各置一簿每有公移開  
列殊語立一前件備差傳送隨取其某日  
收訖字樣親註于前件之下使彼此皆得  
稽查而名帖竟可除去至于日行移會手

本亦另置一簿隨到隨填更批數語于內  
令書役遵行如三日手批八日限銷有違限  
罪坐書役

一議冊庫 署中向無冊庫案卷漫失且諸  
胥有所不便輒恣意竊燬之稽覈無從弊  
竇百出今既

題明就署左數楹列柵肩牖改爲冊庫內  
置十厨檢從前故牘挨年編號什襲其中  
嗣如充棟不妨遞增要無使漫失竊燬之

患復滋于異日亦惟是巡視者謹持其  
而躬臨啟閉仍委庫官所夕緝防之則  
攻狐兔之窟陰消城社之魂胥于此庫有  
賴矣

一議部單 向來領狀一經掛號即投庫候  
發然領多而發不及緩急多寡又宜裁酌  
故本科于戊申年接差復議取司查堂閱  
一單每于下庫之前四司掌印將明日應  
發錢糧再加詳定彙單呈堂批發送庫巡



視者止就單內查發非單所載一切不行  
放完卽將單領粘附一卷此不惟巡視絕  
瓜李之嫌且令堂司專出納之責以明職  
掌以杜請託則單之爲也

一議收放 每月四九日下庫先收後放此  
議收放也惟解僱員役各利于速而吏胥或  
乘機起之權則出入罕見弊索之弊今斷  
以巡視掛號及堂司單到爲始後收放之  
序庫簿內明開某一件該銀若干或該錢

若干期某日掛號堂司某日發單由前及  
後並不容越次且各解執有納票限定期  
日到庫繳驗如有撓越其弊不在各解卽  
在庫胥究明重處

一議掛欠 事例之納薪邀各器非責通于  
要人子也傾錠鑿名自無容欠其外解者  
省直之平與內庫之平原較若重一非私  
傾竊換及剪邊去銖欠亦何由夫欠而補  
似爲寬政乃延挨日久遂有補不及原數

者又有補不入原匪者甚有乘間之互更  
沒奸胥之囊橐者庫貯之缺大率坐此今  
著爲令不足色足數不收如收有不足不  
當時補完不許封本匪彼雖隊長三尺同  
事者持之方面行之久掛欠當自絕矣

一議銀色 該庫錢糧非

上供卽將作安得銀以低假乃灌鉛掛錫屢屢  
見告至事例而物議譁然矣今通行各省  
直凡起解銀兩必鑿州縣官匠姓名仍用

印封鑄識其事例亦以外解領鑄鑒名信  
收贖印封私動竟合查祭卽放後姓名具  
存何難提究而該庫看銀吏役并註名于  
厘單亦無辭干連坐若僅僅一槩樣而能  
辨色之真贋恐無是事也此鑄名之不容  
已也

一議猷兌 天平畸輕畸重弊在針眼惟針  
眼濫則錢平可以匠心惟猷兌偏則多寡  
無不應手出入失平需索滿志所從來矣

今督匠將機心更造務令圓活而又收放  
必兩頭均兌卽有欺頭易之而無不平也  
又每兌必重獻十下卽有關鍵重之而無  
不轉也又獻兌必該庫官吏與解領員役  
掣鐵互換卽有私囑以不測用之而無可  
售也兌完仍將原平封庫勿容奸胥暗設  
機虞于中從前諸弊想當盡遣

一議防察 吏胥之鑽營庫役者非獨包攬  
事例需求外解而偷竊之巧更自不貲其

術難更僕也聞逞時有製一通身衣者所  
盜銀兩從袖中直入襪內今令短衫裸臂  
庶幾身無厚藏乃法馬之潛換有弊焉其  
呈驗者數少而稱允者數多也此借商匠  
以爲竊者也諸胥之雜沓有弊焉一人看  
銀一人獻允其餘搶攘皆亂我指視也此  
叢左右以爲竊者也銀匣之出入有弊焉  
或以支存而混稱空匣或以全匣而暗置  
別隅其在日暮尤易也此乘倦忽以爲竊

者也察之者目到耳到口到手到心到無  
一滲漏則幾矣

一議餘錢 往時借羨餘爲名天平左放右  
收一秤已差四五兩歛兌出輕入重一人  
常差數十兩究竟

朝廷所得幾何部司所用幾何徒令宵小屬饕  
可恨也今本科題革餘銀嗣後

奏繳勿宜復言報羨而部司公費以銀錢  
九一兼支之法扣餘錢抵之仍遵照往年

題

准事理一應餘錢支用俱赴巡視衙門掛號庫  
官另置一簿登報開銷其公費規則曾經  
前巡視議減茲復移四司覆訂刻定一冊  
另置署中及該庫傳照凡冊所不載不得擅  
增擅取亦違嫌急公之誼也第觀吏胥獻  
兌之間終有攫取錙銖之意不知此法一  
定凡銀之浮入而縮出者皆積于無用者  
也豈舌能熒惑妄希變亂將來抑術有神



通仍可竊歸囊橐耶請以一言矢之自題  
定餘錢後設有再索餘銀爲商匠病者明  
神其鑒在

一議覆兌

餘銀旣革獻兌宜乎計解領員

役無所用其買囑矣第商匠人等與庫胥  
相爲窟穴者也得微有兌出反重而以正  
數歸商匠以浮數取自潤者乎此孔一開  
非索于外之溢入卽盜乎內之正供謂宜  
將取放銀兩兌完請原數而後支放放完

復允明支存而後結筭如支存短少卽責令獻允諸役賠補盖原發旣明諸役更何詞展辯也若于獻允時間行不測之法驀掣一秤親自覆獻驗有欺弊庫役與領役以通同論罪仍沒其應領之數還官則法嚴知畏誰敢復蹈前車耶

一議日總 每下庫一次交盤一冊收放二冊事例二冊俱取出登填事完封識誠慎之也惟是一日之內總收若干總放若干

支存若干其取放者舊貯若干新收若干  
頭緒既煩數目易混故必另置一冊名爲  
日總令庫書逐項開載不許遺漏差訛巡  
視者隨緘之匣内存爲後來磨算之底簿  
由是積至一月卽結一月總積至一季又  
結一季總則百不失一矣

一議那借 四司錢糧各有額數邇來擅自  
那借主者不聞遂令一庫之內雜亂不清  
且致騙領之奸營求日甚殊非分轄責成

之意今後除

典禮軍興有必不能不借者各司關白停妥  
移會給發仍應立限補還其餘四司原有  
四吏在庫責令分管各司錢糧不許一概  
擅挪擅則罪及該吏庶訕者可以杜浮濫  
羸者可以備非常亦守財之善物也

一議交盤 歲終

奏繳所報出入之數率據案抄謄卽監督  
更差其盤驗止于一人經手錢糧而前此

舊貯不問也無論狗盜之雉先年有從兵部穴地入庫者卽本科偶掣舊存一匣試之內短少輒至四百金其可委之爲河南南陽耶向來掛欠不入原匣餘銀間借正支積弊相沿已非一日然補者還者畢竟歸于何處因一匣而疑一庫因一人而疑衆人引繩批根害且滋蔓業經再三移會請四司呈堂約日各將庫存項下銀兩盡數通盤如有短少作何抵補如無抵補作

何支放此係該庫大弊及今不一查明長  
此安窮也本科有鑒于此特申明會查之  
法不但四司宜與該庫會更宜與

大工十庫各巡視會緣此放彼銷彼無此買  
首尾相關必互覈斯無遺漏而况該庫自  
貯之物奈何憚數日之辛勞慮前人之嫌  
怨遂貽不白之局爲後來口實耶每歲限  
一通盤斷不可少

一議近習 工部各衙門吏書與廠庫吏書

向來線索相通未有作弊而可諉于不知情不分贓者故連坐之禁宜嚴也然事發止一叅送而不革其頂首若輩供扳則有買求認罪則有幫貼三木視爲奇貨因固等于福堂未幾脫網仍挾重貲別營一窟而揚揚明得意矣豈法至若輩而果窮耶計其頂首各不啻數千金若輩所貪戀而不忍割者獨此耳自今除新役及輕犯外如果係衙門舊吏慣作翻身飛海諸弊者

一經叅

題卽先革其頂首并窮其同謀分贓之人  
審有實跡不論何衙門一體叅革夫曲庇  
左右惡名也諒賢者所不願受也

一議報商 舖商買辦物料乏則報僉其初

固未嘗不樂就也自內監苛求舖墊吏胥  
勒索例規而關領之價盡奪爲浮費及追  
比無奈則身家妻子隨之舖商之苦于是  
乎不忍聞矣且欲報一家而望門嚇詐先



已貽害數十家此黠胥狐假之爲也卽報有數十家而

中旨傳免究竟不能得一家此又闡監孝順之爲也故本科于戊申受事僉報屆期不揣建爲貼役之議止令四司各募勤慎慣練者數人給以見價膺克買辦迄今六七年未聞違悞正供而都民且稍獲安枕則商之不必報亦已見于前事矣但聞惜薪司各役因有幫貼遂啟垂涎諸市棍有紛紛

負進者是在當事慎擇而嚴杜之以永肩  
不報之法都民幸甚

一議會收 盛王二廠所轄硝黃盛甲刀鎗  
銃藥戰車諸物料戊字庫所收外解盛甲  
腰刀弓箭弦條各軍器俱設有監督亦俱  
預以內官惟內官利在鋪墊每致監督掣  
肘而器料俱不如初巡視者與監督約日  
會收按成法而稽驗之硝黃必須盆淨盛  
甲刀鎗必須堅銳火藥必須迅利戰車必

須便捷弓箭弦必須遒勁有不合原式者  
或駁或叅具有徃例近更議硝黃不入內  
庫以防攙換軍器刻官匠姓名以嚴責成  
一切包攬神棍各該衙門訪拿究遣庶有  
裨于實用每驗畢卽批入會收簿以憑稽  
查出給

一議鑄錢 寶源局值四司鼓鑄之役所患  
者銅難精商難召近議分隸四司各任其  
責良有深見巡視者與監督驗收必以真

正四火黃銅爲率其銅當定鎔化每包除  
正耗十三兩三兩外再鎔折者實商賈所  
然鎔太久則虧商鎔太速則虧爐役斟酌  
審視以煙之青白爲度此驗銅之則也第  
巡視所面鑄者十百之一二耳其餘非監  
督耐煩躬親鎔化彼爐役有不以低假擔  
塞乎夫銅低則折少而鑄多此爐役之利  
而錢法之大不利也慎之在監督矣

一議鉛鐵

鉛鐵二物工料急需向來巡視

多不會收卽監督亦忽爲細務低假短少  
勢所不免且聞有盜賣于各商者此亦一  
漏卮也嗣今凡外解鉛鐵等物宜照例會  
同驗收有前弊卽行摘發收完仍于簿內  
註經收官吏姓名日後支放取簿質對庶  
令經手者知所畏忌至于庫門及四圍牆  
垣務須修葺堅峻嚴加封識每晚有工部  
司屬輪流點閱更宜撥的當餘丁二名在  
鐵庫大門下守宿巡警庶無他虞

一議陵工 山陵橋梁等役距京旣遠查問

較難必題有專官移駐工所夙夜身親監督庶可責其成功乃其所移會巡視者不過應收水石磚瓦灰土諸料及支領之工價與事竣之對同耳查物料雖有會估成例如方石可改用浮石則省費爲多黃土不計斤而計方則違見特甚又宜臨時斟酌未可盡憑往例也工價對同亦應照新置循環用截出實收一法易于銷笑惟

委官作官書辦太多蠅營狼噬耗蠹非淺  
且不用見屬而用候缺吏議難加何所不  
撓則量裁人數更委本屬以季報官評責  
之監督察才守而殿最之斯勸懲昭工自  
集矣

巡視廠庫工科給事中李瑾爲體貼節慎  
二字以裕

國用事照得本科道職兼巡視凡隸貴部錢  
糧一出入例得預聞倘有侵冒等弊不  
及覺察卽爲帑藏之蠹巡視衙門與有責  
焉曩見貴部題議月出實收歲終會查兩  
款誠剔蠹要訣矣但數月以來實收未見  
截出預支猶然混冒得無經畫密而考成  
踈乎合無將先後領過錢糧應辦物料應



做工程已完者盡與實收半完者截出實收未完者各開未完之由仍速督併濫冒者明發濫冒之弊勿聽含糊外其有原議未悉與議外未及者本科道誼在同舟相應備列後款合用手本前去工部營繕清吏司煩爲轉行三司一體查照呈堂採酌施行

計開

一請銀責在監督爲監督身親經歷虛實

緩急所真知也今後一切不容已工料監督須從公估計實該銀若干卽原估已定亦須就原估二分之一中覈實用銀若干明白呈堂一次先請銀若干卽計銀督併將收過料若干完過工若干如限報部方依次再請仍逐節出給實收俟工竣通計出給對同送巡視衙門一瞬了然何至令人遲疑倘係接管前人未竟然事旣到手責卽難諉亦須查原估若干領過銀若干實

收過若干斟酌多少申明方請如經管未竣別有陞遷務將請過銀兩與已未完工料造冊報部併移本科道知會

一發銀責在印君爲印君綜理一司操縱予奪所獨擅也今後除實收印領外凡見工程請預支及舖商等役買辦等項須極力駁查德怨俱忘果費出難已方給印領前領完至八分以上方准後領仍逐領編號登簿以防他虞其領內明寫總該銀若干

千銀一次預領若干至二次仍寫原數  
若干已領若干完過若干今第二次預支  
若干備註領內仍用印鈐蓋以爲後日左  
券其三次四次以迨十次俱如之大約原  
估十分爲率每次止領二分卽事係緊急  
不過三分蓋錢糧旣盈千盈萬造辦豈一  
朝一夕目前旣無混出他日自易實收  
一舊預支銀當盡停夫預支之說非爲工  
繁事重而且急乎乃領銀數千用不滿百

成議累年畧無實績此其繁簡輕重緩急  
可知矣似此已領之銀且多虛冒而未領  
之銀豈可再發况在官方執已領之實數  
以責商鈔在商役却借未領之虛數以應  
官府掙纏不斷支吾莫辨合將三十六年  
已前預支並行停止只據領過實數扣比  
其未領銀數及全未領領狀該庫監督移  
會該司該司移會巡視俱卽註銷以清積  
積以杜濫冒如謂是在動工或實用數多

亦惟作速截出實收一面扣銷一面找給  
庶自清楚

一舊實收銀當酌給夫未辦一物未動一  
工者且討預支矣况既有實收豈宜終歲  
逗留以重商民之困但爲庫藏不充不得  
已急其所未完及緩其所已完耳合將三  
十六年已前但有實收者各盡數查出  
彙開一冊分年立總後各一大總內銀百  
兩上下或以次數爲率一領不過兩次內

銀貳百兩以上或以十分爲率一次定給  
二分仍通論月或論季挨次推領照分均  
給酌議停當備註冊後內有未給領狀自  
卽便印給未經掛號者卽諭赴掛或有原  
人物故家屬未的及雖有實收原屬混冒  
一切隱情俱要查實總移本衙門知會以  
憑揭示庶法制畫一人心自定不惟吏胥  
不敢行其私卽官府亦不得行其意將負  
累者有接濟之期積猾者無夤緣之實

一庫錢當議搭支先年建議鑄錢爲錢之利可當銀之什五所以裕

國亦以便民乃發銀買銅之法旣非矣而已鑄之錢朽貫庫中止給

大工夫匠餘俱不用說者謂當時錢貴每銀一兩換錢五百文遂據爲成數矣後稍加五十文纔五百五十文耳較時值尚少百文迄今領狀不載商役不願胥此之故不知物值隨時可增則增之可如謂庫藏額定



戶工例同然一領萬千虛浮尚多卽量搭  
錢亦可合自今以後除內供外解併惜薪  
司柴炭外餘銀九錢一搭支該司卽明  
註領內庶通寶非棄物商役不爲厲

一年例當議緩急夫旣謂之年例似宜發  
矣然脩造雖云舊規而究竟多屬故事年  
分雖有定期而責成終鮮實際况

大工迫手之時政帑藏告匱之日一切靡費卽  
不能盡爲停革獨不可少示節制合無將

內外衙門一切年例分別某項應緩而停  
某項應急而辦某項應次緩而稍待某項  
應次急而半給內有前例未完則後例豈  
可復開舊者尚積無用則新者何必聽其  
濫派立法稽查先期嚴禁則可以杜通同  
捏誑之端可以塞舖商鑽求之路

一各役工食零星支領不惟繁瑣難稽抑  
且紛擾庫中甚屬未便合無將一切應給  
工食俱于四季之季月該司齊給印領仍

類開平本移會掛號次日下庫一刻通完  
庶查覈既便衙門亦肅

一比較之法宜嚴宜簡如人持一簿司各  
一本本數愈多頭緒愈繁且填註紛雜前  
後參差不惟翻閱未便卽竟日之力不能  
完矣合將貴部一應鋪商夫匠凡係一起  
者止給稽考簿一扇其簿由第二葉首行  
直寫一某行頭某夥某某第二行計開第  
三行某司一件爲某事預支銀若干如預

支未盡卽註先領若干第四行前作通  
兩行如工料全完該司填註實收月日如  
係半完該見工自註截出實收月日或通  
未完不必註字大抵貴簡明不貴冗雜內  
有一人服役四司四司不妨共用一簿蓋  
款項各別稽查自易且一簿並列影射難  
容非獨本科道比較之簡要也通將原簿  
更正不必另造滋費